

國朝先正事略

國朝先正事略卷之十七 名臣

平江李元度次青墓

梁文莊公事略 子同書

乾隆二十有八年相國錢塘梁公以微疾薨於位遺疏未及上高宗震悼命皇五子臨其喪贈太保入祀賢良祠陽內庫白金千兩庀喪具公子敦書守遵義乞改京秩侍養已調戶部郎中未卽至

上念邸次乏人命內務府派司官經理其事部察郵典具奏諭葬祭如例予謚文莊入祠加祭一壇啟殯日奉恩旨所過沿途二十里內官弁並赴舟次弔奠遣人護送公起自田閒

受

兩朝不世之知遇。回翔館閣。出入禁闈。洵歷卿宰。以至延登受策。恩禮哀榮。冠絕寮案。初公直上書房。得侍

高宗皇帝暨誠和兩親王講讀。以舊學受知。自言嘗爲

高宗作掌窠大字適

憲皇帝駕至。諸臣鵠立以俟。

憲皇帝命竟其書墨。漬袍袖。又命

高宗曳之。今藏此衣三十年矣。他時服以就。未庶存殤志。君

恩也。至是如所言。公諱詩正。字養仲。號蕪林。先世自新里遷錢

塘。父文濂。歲貢生。選諸暨訓導。不就。公生五歲。始能言。幼擅文。

譽與兄啟心有二難之目年三十始舉鄉試又五年以一甲三名賜進士及第授編修時雍正八年庚戌也未散館出典山東鄉試十一年分校會試明年充日講起居注官上書房行走遷侍讀又明年晉侍講學士母憂歸詔賞藩庫銀五百兩治喪乾隆元年諭日向來翰林官丁憂有在京修書之例梁詩正著來京在南書房行走詔以素服入直照現任學士例給俸兼直懋勤殿與顧侍講成天恭校御製樂善堂全集賜第南城三年補侍讀學士充日講起居注官仍兼上書房行走十月典順天武鄉試晉內閣學士充經筵講官四年遷刑部侍郎尋調戶部兄啟心成進士與館選五年夏公父年七十恩

給二品封。賜御製五言詩并御書傳經介祉四字。賜之。

六年條奏變通二款。一八旗生齒日繁。若不使自爲養而常欲
官養之。雖目前尙可支持。而數百年後。旗戶十倍於今。勢必不
給。宜令閒散人丁於黑龍江甯古塔等處分置邊屯。使世享耕
收之利。以時講武。且可充實駐防一綠旗。增設兵丁。較康熙年
閒餉額多至五六百萬。向來各營多空額。自雍正元年徹底清
查。盡除此弊。是近來兵額但依舊制。亦較前有虛實之別。况各
省要地多滿兵駐防。與各標營聲勢聯絡。其增設之額可減者。
宜酌減。不必遽行裁汰。但遇有開除。請卽停止募補。疏入。

上嘉納焉。命兼署吏部右侍郎。七年兼御書館行走。八年

正月。

上御重華宮。召諸臣。賜宴聯句。勅公書以勒石。七月扈駕入盛京。謁

祖陵。

上升殿大宴。手賜卮酒。時與者不過數人。入山海關。

上登澄海樓觀海。獨召張尙書照暨公聯句。九年。賜清勤堂額。車駕幸翰林院。賦詩。賞賚。公受。賜與尙書均。十一月。命選唐宋詩。酌十年夏。擢戶部尙書。十三年春。扈駕東巡。謁孔林。登泰岱。

上以山徑險仄。諭公不必隨上。沿嶺派侍衛分駐。有交辦事。

遷傳上下尋命閱會試迴避卷調兵部尚書明年金川報捷加太子少師暫管戶部尚書事賜御書宣贊樞衡額尋兼學院學士協辦大學士偕汪公由敦纂西清古鑑十五年授吏部尚書協辦閣務如故教習庶吉士御史歐堪善奏公徇庇營私各款

上召公及軍機大臣學院學士吏部堂官及堪善等親訊於勤政殿事白不復置議會四川學政朱荃匿喪事聞

上召問奏對不稱旨罷學院學士旋賞公次子舉人敦書庶生觀政工部公經歷四部遞長六官所至能舉其職其佐司寇也曹司有通曉律例者虛已咨詢獄無疑義及筦中樞

上以經略與大將軍向無區別。命公傳考前典參酌今制。自
襦牙啟行。至凱旋告廟。條上儀注。載入會典。及掌銓衡。振滯滯。
抑躁進。杜請託。吏胥莫敢抗弊。在農部最久。清釐錢法。稽核奏。
銷。精於心計者不及也。十六年。扈蹕南巡。時父年八十。特
晉一品封典。給假留侍一月。公奉太公迎。駕吳江。賜貂緞。
及御製七言律詩。御書湖山養福四大字。賜公父台階。
愛日四大字。賜公命閱。召試諸生卷。歲除。賜白金五
百兩。十七年。陳情乞養。御書身依東壁圖。書府家在西湖山
水間。一聯慰之。再請。溫詔俞允。御製詩寵行。有翻祝歸朝。
晚卿家慶倍深之句。又賜公父如意人漫貂絨等物。且諭。

日二三年後南巡君臣復得相見矣。

聖情肫篤不啻家人父子焉。家居二年。命與沈宗伯德潛合

修西湖志。纂二十二年。六飛重幸江浙。公赴淮陰迎駕。

賜在籍食俸。會汪尙書由敦假歸省墓。命公代攝其事。賜

御製詩。又賜萊衣畫永額。命閱上下江召試卷。尋令歸侍

養。寄御製詩百八十餘首。命和進之。明年丁憂。時公兄啟

心以毀卒。百日後。特詔以工部尙書召用。請假數月。畢葬事。

許之。明年調署兵部。賞紫禁城騎馬。命工部侍郎三和於

澄懷園。度地建屋。俾就近直宿。如初。八月。典順天鄉試。二十四

年。敘習庶吉士。服闋。授兵部尙書。署學院學士。二十六年。遷吏

部尚書協辦大學士兼掌院如故充經筵講官恭遇

皇太后七旬慶典撰擬 御製表文恭上

徽號册寶典禮隆重公與協辦大學士兆惠公主之周旋罄折
從容中度奉 懿旨賞賚有加明年典順天鄉試二十八年策

拜東閣大學士仍兼吏部尚書掌院學士 賜第內城加太子

太傅十一月薨年六十有七公天性孝友事二親色養備至白
通籍以至爰立不傍門戶不矜巧捷以樸誠結 主知扈從

巡幸常在屬車豹尾間大制作咸出公手總裁 國史文穎續

文獻通考各館體例多其所定巨製鴻裁折服羣彥屢閱 殿

試朝考散館召試卷必公必慎文章近南豐詩骨蒼秀有矢音

集五卷書學柳誠懸繼參文趙晚師顏李凡三變奉命編秘
殿珠林石渠寶笈益得縱觀天府收儲經進時獨蒙眷賞
屢勸堅珉性儉素衣必數澣自奉嗇於寒士贊郎墨吏不敢因
緣造請每下直雙扉晝掩門庭閱然嘗署所居爲味初齋示不
忘舊也吏部內閣翰林掌院皆京僚極清要地公兼領數年王
尚書際華戲謂曰公可謂三清居士矣裘尚書曰修笑曰兼以
上書房南書房則五清也其爲同官所欽慕如此四十四年
高宗御製懷舊詩列公五詞臣首于二長同書字山舟出嗣伯
兄乾隆十七年由舉人特賜一體殿試選庶吉士累遷侍講
以文章書法名世引疾歸嘉慶十二年重赴鹿鳴宴賞侍講

學士銜。年九十三卒。敦書官至工部右侍郎。

雷翠庭副憲事略

公諱鉞字貫一。一字翠庭。福建甯化人。少有志於聖賢。見蔡文勤。世遠所著學約。篤好之。遂從文勤學。舉鄉試。入都不投。公卿一刺。以陸平湖不敢見。魏蔚州爲法。方望溪侍郎嘗與文勤太息。生才之難。計數生平朋好。如楊賓實。陳滄洲。後生中尙未見。堅然可信其幾及者。現在古人文勤曰。吾門雷生。乃後起之賓實也。公乃出見望溪。於文勤所。文勤卽命受學於望溪。望溪固辭。而答以儕輩之稱者。凡四三年。其後察公品峻而意誠。始受之。不辭。朱文端軾聞公名。不可得見。乃就公於文勤寓舍。與講易時人兩賢之。而孫文定嘉淦亦禮先於公。舉爲國子監學正。

雍正癸丑開性理試主者欲得公公謝不往是年成進士選庶
吉士以大父母春秋高請急歸省乾隆六年丙辰詔起公於
家侍皇子學賜第內城特旨授編修丁巳充會試同考
官以御試前列受賜充日講起居注官遷左諭德兼翰林
院修撰同官余棟以國郵入都有旨留侍皇子讀余辭
不許公言余某父喪未葬不宜在皇子左右聞輔臣咎其辭
爲好名使在廷皆避好名之嫌不求盡子道非細故也余得歸
終制始公父就養京師將以察公守官之志行又念文勤劬未
知所學於望溪者何如也於其歸望溪爲文贈之亡何父卒公
以憂歸服闋補原官遷右庶子再遷少詹事擢通政使當是時

上以言事者外沽直名實自規便利屢下詔訓勅公謂二者雖諫臣不肖然朝廷樂聞讜言但當論其言之是非不必疑其計利并不必疑其好名言果可用采而納之諫臣之所得者名政事之所資者實也昔孔子稱舜曰隱惡揚善則知當舜之時言者亦不能有善而無惡也惟舜隱且揚之故書曰明四目達四聰又曰嘉言罔攸伏願

皇上以舜爲法任老成遠諛佞簡遊幸屏玩好得旨嘉獎十

二年

上將南巡公請勅諸大吏省徭役敦樸素以便民時

上已有旨宣諭矣以公言忠弗拂也尋乞假省母假滿命

以原官督浙江學政。調江蘇。改左副都御史。仍調浙江。教士敦
實行。去功利。衡文取雅正。一革舊習。刻陸清獻及張楊園先生
年譜。以風示學者。公爲政甚嚴。而州縣吏亦無敢踰法虐士者。
勸屬捏報劣生者。其人已擢守道。公特劾之。因疏言。舉報優劣
當責成府縣官。定以處分。又言。太學貢士宜先老成通經學者。
會秋大饑。有司以例不敢請。公密言狀。特旨賑之。民困以蘇。
以母年八十乞歸侍養。四年。既葬。未終喪。而公卒。年六十有四。
乾隆二十五年十月也。公平居雍雍。以和不見喜愠之色。至臨
大節。則毅然不可奪在。朝遇重臣。無加禮。退接故交。如布衣
時造。次必於禮法。而簡重安舒。見者氣爲之斂。初入仕籍。大臣

爭相引重。公岌然中立。無少依附。獨以忠懇結主。知每進經史講義。必詳晰義利。開設端委。以根極於治要。

上嘉納焉。二十三年。

高宗南巡。御書堂額爲太夫人壽。兼賜文綺豐貂。蓋公純孝。

上知之。故體恤尤至。而公臨沒。具遺表。亦言臣爲子之事。粗具而爲臣之志。未伸。此臣目終難瞑者也。公之學以躬行爲主。以仁爲歸。以敬義爲堂戶。其生平出處張弛語默。按之無不合於道者。至小事皆可爲法。爲文章簡要冲夷。有古作者風。居嘗謂國家根本在人才。故聞一藝片善。必加搜討。所交多巖穴奇士。

其奉使出京布衣李銛朱燾送別舟次銛號身青山人家世勳
舊爲太傅索額圖介婿隱於盤山閉關絕人事與燾俱守道自
重不妄見人惟公能得之在蘇善陳黃中在浙江每有造訪或
邑人未曉名姓相視驚訝不測公何以知之也生平學宗程朱
而於象山陽明辨之甚力嘗謂孔子性相近之言實萬世言性
之宗旨孟子所謂性善正相近之實際相近者善之相近也以
萬物爲一體者堯舜之仁也今人乍見孺子入井而怵惕惻隱
可謂不與堯舜之仁相近乎故曰性善也擴而充之人皆可以
爲堯舜也必待擴充之力者氣質有不同也孟子言性與孔子
無二旨也又曰道心卽性也人心之正者道心爲之主卽性宰

乎氣也。人心之偏者，道心之有蔽，卽性汨於氣而失焉者也。非道心爲一心，人心又爲一心也。如飲食男女之欲，人心也。而道存焉，知道存卽道心也。知其爲道而肆焉，則危者，愈危。微者，愈微矣。故必道心爲主，而人心聽命也。所著經筵堂集、白恥錄、讀書偶記、校士偶存、閑見偶錄，共若干卷。

陳文獻公事略

公諱大受。字占成。號可齋。湖南祁陽人。父探。好施與。屢出粟賑饑。夢神授緋衣兒。遂生公。兒時行仆市中。逸馬羣至。止焉。人以爲異。性沈敏。強記。初投內則。卽退習其儀。旣長。家益貧。躬耕山麓。同舍漁者。每夜出捕魚。公爲候門。讀書不輟。雍正七年。以拔貢舉。順天鄉試。十一年。成進士。選庶吉士。乾隆元年。授編修。二年。

上御乾清宮。親試翰詹諸臣。日午。御座以待。公章最先成。奏焉。

上喜。列第一。遷侍讀。累擢左庶子。侍讀學士。晉少詹事。三年。遷

內閣學士。典試浙江。四年。授吏部右侍郎。充經筵講官。三禮館副總裁。尋授安徽巡撫。初視事。剖決疑案。老吏駭其精敏。廬鳳潁等府。素稱盜藪。地方吏多諱匿。或事主隱忍不報。致蠶役表裏爲奸。公抵任。後勒限嚴緝。一月中。獲盜五十人。得旨褒美。會淮南北海饑。發倉穀賑之。穀且盡。乃令於麥熟地買麥。又分糶於江廣。且發且儲。六年。壽甯水。無麥。乃食民以所買糶者。時連歲饑。民多竊米麥以食。有司以盜論。公哀其情。奏原六十餘人。高阜斜坡不宜稻麥。前總督郝公玉麟。攜閩產早稻一種曰畚栗。性宜燥。無煩浸灌。公教民試種。有秋。因道購數十石。分給各屬。化無用之田爲有用事。聞手勅報曰。諸凡如此。留心甚。

慰朕懷。虞山陳進士祖范。遠經學。不延主敬。敷書院。且疏薦。得旨。加司業銜。異數也。是年調撫江蘇。常鎮太水災。公糶倉穀。疏溝渠。築圩岸。修廬舍。殫餓。孳請。緩今年徵水。退恐遺蝗。種乃募民。先冬掘之。官爲收買。疏入。

上嘉獎。傳諭直隸總督高公斌。照所奏辦理。七年。淮海徐下田積水。不可以麥。民有草食者。公按口各假二月糧。

上命。截江廣漕米七萬石。賑之。句容之黃堰壩。灌田八千畝。郭西塘。灌數百頃。歲久盡淤。乃貸社穀。俾民以工就食。水利復而民不飢。秋河決古溝。再決石林。高寶與秦徐州罹其患。公疏聞。上命。截漕米。協濟銀。穀至數百萬。乃多備空船。候米至。則分載。

之舳。艘數百里。一日而徧。先是丹陽運河口。藉湖水灌輸。淤沙每需疏濬。至是公奏定六年大修。每年小修。其後

高宗南巡。御製反李白丁都護歌。有豈無疏濬方。天工在人。補輸年大小修。來往通商賈之句。蓋嘉公奏定歲修。法利於漕。運也。十年奉恩旨。曾蠲明年天下錢糧。公疏陳江蘇蠲糧三事。一核準漕項科則。曉諭周知。一彙造地丁耗羨。同漕項并完。一酌定業戶減租分數。通飭遵行。得旨嘉獎。時戶部議禁商。四。公以謂商人貯米。得少利。卽散貯。不過一歲。民且利焉。請弛禁。便。又言城工核減。意在節用。用省而工惡。再修。且倍之。城郭。為千百年計。不宜求節省目前。

上皆避之。十一年加太子少保。時淮海徐屬被水災者十七。公
行縣至海沐。見食蒿實者。取嘗之。苦澀甚。乃趣散粟。借以種。蘇
揚俗尚侈靡。公力禁習。尚爲一變。蠲牛稅及漁鰕稅。以惠貧民。
廣置義學。割俸。仗助廣仁育嬰。普濟三堂。置產以經久。遠九月。
調福建巡撫。疏言近海商民。例許往暹羅造船飯米。但內渡時。
若有船無米者。應倍稅示罰。部議從之。故事。巡臺御史出巡南
北路。派所屬縣輪備夫輿廚傳稿資之用。又濫準詞訟。致奸民
挂名胥役。生事厲民。公奏劾之。勅自乾隆五年以後。巡臺御
史均交部嚴議。又疏言臺屬番民生業艱難。向漢民重息稱貸。
子女田產。每被盤折。請撥臺穀六萬石分贖。諸彰淡水等屬。照

鳳山例接濟其不願借者聽

上報可。閩人與番雜處。土音非譯不通。有奸民殺人。賄通事移坐番罪。公疑之。再鞠。竟得白。十月。授兵部尚書。十三年春。

上東巡。公覲。行在。召問東土饑饉情事。公以所見對。卽命。

於行營。前議賑事。還朝。典會試。轉吏部尚書。協辦大學士。充軍機大臣。經筵講官。教習庶吉士。兼直。上諭處。時金川用兵。

上憂勤。方略軍書如織。雖深夜必達。覽公日數被。召對夜。

宿直。虛凡樞密重事。皆與焉。出入見星。以爲常。歸則積帙數寸。

刻燭披覽。無畱曠。十四年。金川平。晉太子太保。加軍功三級。

賜御書熙績良謨。頌秋。署直隸總督。積勞成疾。

上數遣醫存問。賜藥。十五年春。授兩廣總督。陛辭。請
訓。

上曰。汝直樞。延兩載。萬幾之事。皆所目擊。卽朕訓也。何贅辭。惟
中外一心足矣。尋命協理粵海關務。兩粵去京師遠。吏媮民
曉。公以猛易之舉。刻不法吏。無虛月。風俗丕變。初。總督碩色與
巡撫岳濟。在粵東互相抵牾。至是調雲貴督撫。公疏言。雲貴極
邊重任。二臣恐不能和衷。請切加訓飭。

上遵其言。十六年。請裁廣東肇高學政。從之。疏言。海康遂溪等
縣堤。遇坍塌。應搶修。刻不容緩。若必待詳估。事已無及。不若令
民隨時自修。過重工另奏。官辦報聞。入月。以病乞解任。溫詔

慰爾。未幾。薨。年五十。遺疏入。諭稱其才品優長。精明勤慎。

命入祀賢良祠。以獎賢勞。予三代封誥。贈一子。賜祭二壇。諡

文肅。公器宇端嚴。每正視。眉目皆上。起豐髯。有威。朝廷倚爲

重臣。清節見推海內。徵時極貧。父母生母皆不及養。故雖貴。愈

自刻苦。儉約如布衣。時事長兄盡恭。能出承其意。與人既合。則

不愛其力。而於親故尤甚。性坦夷。無城府。不爲矯激之行。亦不

與認。隨俗。嘗及方侍郎之門。望溪集中多與公往還。尺牘所言

皆吏疵。民深。以湯文正期公。謂足繼其武。公嘗言。愿事多而

利害明。則受病卽在此。望溪嘆爲名論。謂可爲庸庸者之藥石。

云。子輝祖。由任子累官。廣西湖北河南巡撫。擢浙閩總督。兼管

浙江巡撫事。坐籍沒。王直望任所贖財。以銀易金。且隱匿玉器。
逮問。賜自盡。

舒文襄公事略

乾隆四十二年正月。

孝聖憲皇后崩。四月。

純皇帝奉梓宮安葬。

奉東陵大學士舒公扈蹕行。十九日抵長格莊。遭疾。命御醫

彤治。越二日薨。

上震悼。諭稱公老成端重。練達有爲。宣力中外四十餘年。實爲國家得力大臣。命賞陀羅經被。造額駙公福隆安。帶領侍衛十人往奠爵。特贈太保。賜祀賢良祠。車駕還京。復親

臨奠醴。御製詩。輓之。尋賜祭葬。予諡文襄。時長子舒常

以參贊大臣征金川。事竣。畱鎮西蜀。及是。命馳驛回京。治喪。哀榮之備。朝列所希有也。公諱舒赫德。字伯容。別字明亭。姓舒穆魯氏。滿洲正白旗人。祖諱徐元夢。即文定公也。父諱席格。由副榜官員外郎。公由筆帖式。授內閣中書。入直南書房。隨閣臣預機務。遷內閣侍讀。晉御史。乾隆二年。擢侍讀學士。明年。由副都御史。擢兵部侍郎。協辦步軍統領。四年。

上以盛京爲國家根本。地游民聚處。日繁。非便。命公偕將軍暨五部侍郎議奏。請禁海口。毋許山東游民私渡。先來者編戶籍。歸有司約束。向例。民人墾荒地。十年乃陞科。而旗人限以三年。輕重失序。請更其例。從之。十三年。遷都統。兼署兵部侍郎。

命爲軍機大臣。擢兵部尚書。調戶部管三庫事。尋命同大學士經略傅公征金川。參贊軍務。明年春。金川納款。加太子太保。御書均式宣猷四字賜之。命由川入滇。勘視金沙江形勢。籌銅運。又命歸途校閱湖南北營伍。又明年。命視浙江海塘工程。十六年。從幸江浙。十七年。河決馬路口。

上命公同別公統勦策楞。公往治之。堵決口。卹災黎。月餘。工竟。上嘉之。先是準噶爾有綽羅斯。都爾伯特。和碩特。土爾扈特。名曰四衛拉特。其輝特部。附於都爾伯特。厥後土爾扈特。竄入俄羅斯。乃以輝特補之。傳至噶爾丹。跳跟犯塞。

聖祖三臨朔漠。平定之。噶爾丹策凌當雍正中。遣使經界其地。

始奉約束。及喇嘛達爾扎戕其酋自立。所屬散亂。而輝特台吉阿睦爾撒納爲達瓦齊畫計。假哈薩克兵襲喇嘛達爾扎殺之。達瓦齊自立爲汗。阿睦爾撒納遂率所屬及都爾伯特台吉策凌敏。關求內附。且願借兵以定準噶爾地。

上先命公廉之得其狀而返。至是命公馳往經理。公以阿睦爾撒納新附難信。請弗與兵而移其妻子就食歸化城。

上以請兵不與。是疑其貳也。移妻子是以爲質也。軍營兵力未齊。兩部降眾不下數萬。疑而有變。事將不可問。所辦非是。落公職以閒散在參贊上行走。十七年哈達哈帥師進發。公奉命畱烏里雅蘇臺。偕侍郎兆惠公籌備糧餉駝馬事宜。是歲伊犁

平分準噶爾地。令四衛拉特各自爲汗。駐將軍於伊犁。統兵鏖撫之。而召各汗入京師。赴宴。阿睦爾撒納既不得爲總汗。且以將入京疑懼。因煽其眾中道叛走。時其妻子尚在烏里雅蘇臺。公聞信。偕兆公馳往收送京師。二十一年。噶爾喀台吉青衮雜卜叛。臺站中梗。會有察哈爾兵數百方以送羊至公。畱之分布各站。軍報乃通。又以所獲馬數百羊。萬餘。冒險阻運。赴軍前。比至。額爾齊斯河。哈公兵已絕糧四日矣。未幾。詔公入覲。授都統。任參贊大臣。明年春。同將軍成衮札布等進兵。回部。適所收之準噶爾夷人沙拉斯等叛。副都統鄂實陣亡。公坐是復削籍。以兵丁効力贖罪。尋與兆公取阿克蘇。下烏什。得旨命公駐

阿克蘇經理回人屯種而兆公等以是冬進取葉爾羌賊度官軍深入無繼悉眾困我師阿克蘇烏什均一日數驚回人玉素富者自其祖時內附封公爵久居哈密者也時隨征在阿克蘇公廉其可信屬以安輯烏什回人而自駐阿克蘇鎭之眾心大定會

上先遣滿洲蒙古兵四千爲協防伊犁之用公檄令速赴阿克蘇十一月兵至者二千有奇公率以先道險遠馬弊往往步行三十三年正月將抵葉爾羌回酋大小和卓木逆戰公督兵奮擊凡入晝夜賊敗殲乃與兆公軍合事聞授副都統尋授吏部侍郎晉工部尚書及都統明年回部平予雲騎尉世職繪象紫

光閣。

上親製贊。又明年命公駐回城定設官授祿賦稅土田之制。二十六年還朝調刑部尚書兼都統如故并管三庫事二十七年。

上南巡命爾京總理事務後以爲常尋充經筵講官兼管工部尚書加太子太保管戶部事二十八年命偕裘公日修尅問。

察訊海關陋規還署步軍統領充國史總裁三十一年春暫署陝甘總督還朝兼署戶部尚書三十三年因緬甸不靖命以參贊大臣往雲南坐陳奏錯謬奪職以副都統銜赴烏什總理回疆事務三十六年夏土爾扈特來歸初土爾扈特汗阿玉奇。

投入俄羅斯居額濟勒河及阿玉奇曾孫握巴錫以俄羅斯覓
佛教又苦征調遂挈所部以來眾十餘萬羣言洶洶謂有詭計
上慮伊犁將軍伊勒圖一人不能經理命公往相度公力白
其無他

上嘉之額濟勒距伊犁萬有餘里渥巴錫行八閱月始抵伊犁
界飢疲疾疫道殣相望公隨宜措置全活者眾先令渥巴錫及
其白吉入覲而分居部落於齊爾吉爾哈朗諸地又請借給駝
馬牛羊數萬俾其宇息又撥地給籽種命屯兵教之耕植於是
土爾扈特部咸安其生自以爲歸天朝晚也已而俄羅斯邊
吏使使問故公面折之其人悚息去詔授公伊犁將軍尋授

戶部尚書領侍衛內大臣二十七年拜武英殿大學士兼刑部
尚書國史四庫等館總裁官又總理吏部兼管戶部三庫仍充
經筵講官掌翰林院事兼日講起居注官會山東壽張賊王倫
以邪教倡亂詔公出視師至則破臨清盡殲逆黨倫自燔死
凡六日賊平降旨褒敘授御前大臣四十一年定西將軍
阿桂公平金川

上以公運籌帷幄有功依平定準噶爾回部故事圖前後功臣
各五十人公列第四公子舒常第十論者謂自古雲臺凌煙未
有一人再圖象者至父子並列尤曠古所無當是時
天子稽古右文徵天下秘書條爲四庫藏弄文淵閣命公領

關事世以是益榮之。公夙夜在公，不事家人，產宅心誠，蒞事敏。盤根錯節，世人望而氣沮。公獨紆回籌畫，宏濟艱難，而在準回。二部久厥功，尤偉其領閣部也。甄綜庶政，必躬必親，使百執事震動恪恭，不稍卽叢。朕生平孝友敦篤美行，不勝書書其關於軍國之大者。薨年六十有八，舒常後官，至尚書。

劉文定公事略子羅雲

國朝兩舉博學鴻詞科得人最盛康熙己未中選者五十人
聖祖親拔海鹽彭公孫適爲第一乾隆丙辰中選者十五人補
試得四人

高宗親拔武進劉公綸爲第一彭公由進士官中書應召試
授編修歷官侍郎劉公由廩生應詔授編修以文章學問應
期發聞受

上知遇未三十年遂參大政又八年而眞拜又二年而薨其發
跡爲尤奇而其相業亦獨著公字春涵號繩庵少雋穎六歲能
綴文稍長學爲古文辭不怵世非旣入翰林益踔厲自力乾隆

五年遷侍講。充日講起居注官。典陝西鄉試。進太常少卿。由左
右通政。太僕卿。三遷至大理卿。授內閣學士。十二年。命修詞
林典故。從幸木蘭。卽獵。所奏秋郊大獵哨鹿賦二篇。

上嘉其才。由是滋欲擢用。公十三年典武會試。明年以署兵部
侍郎入直南書房。歷充續文獻通考及國史方略詩經各館
副總裁。再遷禮工二部侍郎。直軍機處。出入帷帳。列於近臣。流
民出塞耕土。默特地員子某不按原議年限。欲盡馭民遷而歸
其地。

上命出按。公議緩其期。俾民輸作。受傭不奪。不爭旗民輯和。十
六年。父憂歸。服除。補戶部侍郎。兼順天尹。故事。順天府公牘。拾

中。通。判。不。署。名。皆。允。故。自。廢。公。請。以。錢。穀。屬。治。中。獄。訟。屬。通。判。
先。署。贖。而。呈。尹。以。可。否。之。王。師。西。征。準。噶。爾。將。發。役。車。供。侍。
壹。切。辦。治。事。竟。無。一。人。譁。於。道。者。充。徑。筵。講。官。卽。其。部。爲。左。侍。
郎。會。浙。江。按。察。使。富。勒。渾。劾。奏。巡。撫。鄂。樂。舜。授。意。布。政。使。同。德。
勒。派。商。銀。詔。公。往。浙。與。總。督。尹。文。端。會。訊。覆。奏。鄂。樂。舜。受。銀。
屬。實。論。絞。候。同。德。未。知。情。富。勒。渾。誣。劾。論。杖。流。

上。以。富。勒。渾。所。參。重。款。已。實。不。應。議。罪。責。公。等。失。當。卽。議。落。職。
得。旨。畱。任。尋。擢。左。都。御。史。二。十。五。年。典。順。天。鄉。試。命。偕。侍。
郎。伊。祿。順。赴。西。路。勘。將。軍。高。阿。禮。剋。兵。糧。勒。餽。送。等。款。得。實。論。
如。律。還。遷。兵。部。尚。書。教。習。庶。吉。士。賜。紫。禁。城。騎。馬。二。十。八。年。

以戶部尚書協辦大學士。加太子太保。兼署刑部尚書。三十年。母憂歸。甫除喪。詔以吏部尚書起公。仍贊閣務。充經筵講官。公爬疏抉剔。綜覈名實。奏定考試書吏法規條。畫然三十四年。典禮部試。明年典順天鄉試。當是時。天下皆望公爲鉅人。長德。天子亦習知公忠勤。可倚任。三十六年二月。策拜文淵閣大學士。兼工部尚書。充國史館總裁。明年典禮部試。三十八年春。公疾。猶強起視事。

上命公少休。遣太醫就視。使者存問載道。賜人參和劑以進。六月。薨於賜第。年六十有二。

高宗方駐蹕熱河。優旨悼恤。稱公品行端醇。學問博雅。詔

皇十二子臨其喪。賻以千金。贈太子太傅。入祀賢良祠。賜祭葬如典禮。諡文定。公性至孝。親喪三年不御酒肉。號而行。日踣數十里。營高燥以葬。手樹檟表之。少游尹文端幕府。得其指授。通籍後。汪文端尤重其度。在政府十載。與劉文正相得甚有。而劉北劉之稱。器量凝重。不見有喜愠色。出入殿門。進止有恆處。

上前所聞。語久益無所遺忘。亦未嘗一出口也。自工部侍郎歸。買宅僅數楹。自後二十年未嘗益一椽半。簞衣屨極垢敝。不改作。而盛服以朝。曰吾不敢褻朝章也。食於廚者數百指。室無儲餘。王侍郎昶爲樞曹時。嘗以要事繕疏。稟夜半詣公。公起爨燭。

探筆點定時。仲冬寒甚。公呼三子具酒脯而廚傳已空。僅得白棗十數枚。侑酒。其清儉類此。居海澱。賜園每退朝。寂不聞聲。同人視之。則方飯脫粟已。手一編兀坐。器具物略蕭然。如布衣時。屢典鄉會試。其他考校以十數。所等第士皆有名於時。嘗言衡文始難。在取繼難。在去較量分寸。每至夜分。或勸節勞。公曰。文之佳。兄弟也。一去取。閒於我甚易。獨不爲士子計乎。公素博雅。應詞科。時年裁二十有六。廷試賦題爲五六天地之中。合諸徵士不解所出。多瞠目縮手。公獨揮翰如飛。張文和公故睨公卷對眾朗吟。始共得題解。沈君歸愚亦在試。出語人曰。吾輩頭顱如許。乃不如一少年。愧死矣。公爲文章浸淫六朝。而根抵

漢魏千變萬診。涵於一源。於詩獨喜高青邱。謂能入唐人門。闕所著繩庵內外集二十四卷。次子躍雲。字青垣。乾隆丙戌。一甲三名進士。授編修。官至禮部侍郎。年七十告歸。公父子相繼。服官於朝。至七十年之久。家無一畝之宮。半頃之田。可以見其家法矣。孫逢祿。字申甫。嘉慶甲戌進士。官主事。推衍經學。著書數百卷。尤精於春秋。毛詩聲韻之學。著有劉禮部集。

秦文恭公事略

太子太保尚書秦公以經術篤行知名海內。起家詞館。位正卿。所著五禮通考。體大思精。囊括萬有。能竟朱子未竟之志。爲門類七十有五。爲卷二百六十。有二殫思三十有八。年繫三四易。而後定。自言平生精力盡於是書。乾隆二十九年四月。以疾請解任。溫旨不許。八月。復具疏乞回籍調治。詔允所請。仍懸缺以待。公既受命。買舟南下。疾遂革。以九月九日薨於滄州。

訃聞。

天子愴惻。賜白金千兩。卹喪具。命有司議卹。諭祭葬如制。諡曰文恭。明年。車駕南巡。至無錫。幸寄暢園。御製詩。有

養疴旋里人何在。撫景愀然是此間之句。寄暢園者。公家別業也。

上追念舊臣。形於翰墨。如此益可以見公之爲人矣。公諱蕙田。字樹峰。號味經。宋學士觀二十六世孫。世居無錫。雍正初。析置金匱縣。遂爲金匱人。祖孫齡。順治乙未進士官編修。改給事中。公以乾府學生。本生父道然。康熙己丑進士官編修。改給事中。公以乾隆元年。賜進士第三人及第。授編修。入直南書房。七年入直上書房。尋遷侍講。進右庶子。改右通政。擢內閣學士。遷禮部右侍郎。十二年丁本生父憂。十三年奉旨。秦蕙田服制將滿。可仍以禮部侍郎用。逾年調刑部侍郎。兼理國子監算學。充經筵。

講官二十二年擢工部尙書兼理樂部明年調刑部尙書仍兼
管工部事尋加太子太保二十五年洎二十八年兩典會試公
至性過人方未遇時本生父以藩邸事牽連訟繫十餘年間檻
車南北炎雨酸風與史卒雜馳公隨侍膝下百方營護既通籍
朝廷赦書屢下給諫公猶不得援例寬釋公伏闕陳情乞以身
贖其略云臣本生父某身罹重罪已荷天恩曲宥祇因催追
銀兩力不能完仍行圈禁迄今九載年已八十衰朽不堪本年
五六月內侵染暑溼虐厲時作寒熱交攻奄奄一息幾至瘵弊
羈所臣雖備員禁近而還願臣父老病拘幽既無完解之期更
無久存之望方寸昏迷不能自主誠不忍昧心竊祿內慙名教

伏惟

皇上矜愍庶獄。有一錢可原者。槩予寬釋。當此聖明孝治之朝。更逢薄海祝網之日。惟有額懇鴻慈。格外鑒宥。丐臣父入旬垂死之年。得終老。屬下臣願草去職銜。效力行走。以贖父罪。疏入。天語嘉歎。遂有寬釋之詔。其未完銀並豁免。由是給諫公優游林下者又十年。時與桐城方恪敏公並稱二孝。蓋恪敏每歲徒步省其父於戍所也。公既得請。感泣誓以身許國。上亦鑒公忠孝有意大用。公矣。公任學士時。陳科舉學校六則。在禮部奉命校閱禮書。時方修會典。天子以聖人之德。制作禮樂百度。聿新公職業。攸司考究。益精。

博在工部。疏言工程難易不同。司員每意存趨避。請用刑部掣簽均派例。從之。在刑部執法平允。尤爲

上所倚重。同僚或持異議。公援引律例。必申其說。乃已。遇僚屬。頗笑不苟。其賢者薦達之。不遺餘力。眾莫不憚其嚴而服其公也。公歿後。部臣讞獄偶失當。

上輒舉公名。歎息不置。以是知公之盡心職守矣。公立朝二十一年。治事勤敬。剛介自守。不曲意徇物。公退杜門著書。不異爲諸生時。後進有通今嗜古者。延攬恐後。蓋天性然也。少從給諫。公京邸。何義門。王篤林。徐壇長。諸先生。咸折輩行與交。中歲居里門。與蔡學正。宸錫。吳主事大年。吳學士尊彝。爲讀經會於禮經。

之文如郊祀明堂宗廟禘嘗饗宴朝會冠昏賓祭宮室衣服器用等類隨舉一義輒集百家之說而諦審之問難辨答筆之箋釋於是者十餘年及佐秩宗考古今禮制因革以爲禮自秦火後漢儒抱殘守缺塵存什一朱子嘗有志編次朝廷公卿大夫士民禮盡漢晉以下諸儒之說考訂辨正以爲當代之典而所撰儀禮經傳通解體例未備喪祭禮又續自勉齋黃氏信齋楊氏未爲完書迺本崑山徐氏讀禮通考義例按吉凶軍賓嘉之目取向所考定者增輯排纂有五禮通考之作方恪敏公見而好之與同參訂先經後史分門辨類以樂律附於吉禮宗廟制度之後以天文推步句股割圓立觀象授時題統之以古今郡

邑山川地名立體國經野題統之。並載入嘉禮中。凡先儒聚訟之說。一一疏通解駁。上探古人制作之原。下不違當代之法。可以坐言起行。自恪敏外。與參校者爲德州盧雅。兩元和宋懋庭。青浦王述庵。嘉定錢曉徵。王西莊。休甯戴東原。皆當世通儒也。乾隆初。江陰楊文定公領國子監事。薦公篤志經術。可佐教成。均旣而直。內廷課。皇子講讀。益以經術爲後學宗。嘗言儒者舍經以談道。非道也。離經以求學。非學也。故以窮經爲主。而不居講學之名。所著味經窩文集。說經之文。居其大半。少喜談易。謂易者象也。先儒詳於言理。略於言象。爰撰周易象義。日箋若干卷。又謂詩三百篇。古人皆被之管絃。漢魏以降。始失其傳。

國朝文正公集卷之二十一
然天籟之發。今猶古也。因欲以今曲歌古詩。庶協詩樂合一之旨。又奏詩刊正韻書。

上命公與武進劉文定公任其事。公建議古韻二百六部。今併爲一百七韻。如元與魂痕當析爲二。殷韻宜併入眞韻。不當入文韻。上聲拯韻去聲證韻宜分出各自爲韻。又考定四聲表。兼采崑山顧氏婺源江氏之說。欲通古音於等韻。時公已遵疾。猶往復辨論不休也。公之著述其大者如此。他若河渠律算。下及醫方堪輿星命家言。皆泝流窮源。有體有用。梁文莊嘗云。樹峰如鷹隼橫空。飛而食肉。其爲時賢推服如此。卒年六十有三。長子泰鈞。乾隆甲戌進士。官編修。

蔡文恭公專略

公諱新字次明號蕩山福建漳浦人贈尙書太傅文勤公世遠從子也幼秉家學言動必以禮法乾隆元年進士選庶吉士授編修九年充江西副考官十年入直上書房考御史第一辭改侍講十一年督學河南任滿仍直上書房十七年典江西鄉試擢侍講學士日講起居注官未幾遷內閣學士再晉工部右侍郎調刑部十八年乞假省母

上許之賜其母貂皮大緞假滿仍供職遂陳請終養時太夫人年未八十且非獨子格於例而

上俞其請異數也是年冬里居命爲上書房總師傅疏辭乞

留養。諭之曰：並非令汝即來供職，原待後日之至也。二十五年祝。

高宗五旬萬壽入都。御書旌其母。明年春，駕幸江浙，公朝行在。諭曰：卿母年逾八旬，宜早歸。二十九年，丁母憂，喪葬皆行古禮。三十一年，補刑部侍郎，視學直隸。逾年，除工部尚書，兼署刑部。三十四年，攝兵部尚書，兼領國子監。公所居官房火，陳請賠修。特旨免。三十八年，調禮部尚書，充四庫館總裁。賜紫禁城騎馬。賞澄懷園官房。四十一年，再攝兵部尚書。是歲，公年七十。御書武庫耆英及冠服諸珍以賜。四十四年，四十五年，兩典順天鄉試。轉吏部尚書，協辦大學士。四十六年，乞

假修墓得旨俞允。賜以詩。四十八年。

上以公究心洛閩諸書。爲根柢之學。錄寄。御製君子小人論。雲上於天。解濮議。辨令閔。覆還朝。覲熱河。行在。

上賜以詩。有年老君臣似友朋之句。六月。拜文華殿大學士兼吏部尙書。賜額曰黃扉循彥。四十九年。典會試。前後充殿試讀卷官凡七次。賜公長子本淑主事。賚元狐端罩。五十年正月。與千叟宴。賜如意壽杖諸珍物。二月。

上臨雍講學。公以大學士兼管國子監。坐講天行健。君子以自強不息二句。賜茶及文綺。先是。御製三老五更說。糾蔡邕。

獨斷父事。兄事班固。白虎通老更各一人之謬。至是。御製臨。

新建辟雍詩中有云。祭新或備伯兄行。註曰。若今羣臣中孰可當三老五更之席者。獨大學士蔡新長予四歲。或可居兄事之列。然恐其局趣勿敢當。舉王導對晉元帝之語耳。三月。公乞致仕。疏再上。詔曰。大學士蔡新老成端謹。品學兼優。茲以衰疾。奏請解職。情詞懇切。覽奏深眷於懷。第念其年近八旬。閩籍距京路遠。不忍重拂其意。勉從所請。以原官致仕。晉加太子太師。親製詩章以寵其行。仍於朕巡幸熱河。啟鑿送駕後。始行馳驛回籍。五月。賜御書金篋。如意諸珍物。三次。製詩送行。有不忍言。畱合令歸。及歸言別。又依依之句。公抵閩。疏謝。復賜御製詩。其後屢寄。御製文命公閣。諭之曰。在朝竟無可與言。

古文者故寄卿閱不可阿好徒贊頌也五十五年詣闕祝釐
賜宴同樂園賜詩有曰八旬幸我猶身健九望憐卿曾膝前
賞人獲一斤命沿途有地治者備安輿護歸次年復寄示
詩文賞御製珪璋說指注說墨刻二卷御製反蘇賦超然
臺記說一篇諭以發看近作詩文以驗學詣不必和韻可也
自時淋後凡遇睿製必寄示公內府書籍石刻及畫卷文
房諸珍品在廷臣所得邀賞者靡不便蕃賜賚焉五十七年
壬子鄉試公重赴鹿鳴宴有旨賞賚六十年恭遇
高宗皇帝御極周甲慶期諭公年近九十不必前來公奏庚
申歲爲

上九旬萬壽屆時詣闕再祝奉 手勅字字出於至誠我君臣共勉之若

天恩得符所願實佳話也嘉慶元年公壽九十 御書綵野恆

春額並壽佛如意蟒緞諸珍物 賜之 諭樞臣向公齎摺家

人間近狀 賜本俊內閣中書以端節伊邇 賞紗扇香錠節

物用示眷注是年 發和詩章凡三四往覆至蠟盡又寄 示

新作數種四年間

高宗哀詔具劄奏慰奉 御批具見忱悃公北上至福州巡撫

江志伊奏蔡新奉

太上皇帝遺詔卽由漳浦啟行抵省頗覺委頓步履尤難勸其

新歸安養俟秋涼時護送入都。溫詔止其行。尋賜本俊一

體殿試。以主事用。是年十二月。公薨於里第。年九十有三。訃聞。仁宗諭曰。原任大學士蔡新。久任綸扉。恪恭奉職。而在上書房。行走最久。朕及諸昆弟。俱經投讀。悉著慎勤。可晉贈太傅。著巡撫汪志伊。往代朕奠酒。其子四人。及孫行達。著汪志伊。送二人。引見。尋賜祭葬。予諡文恭。六年。孫行達。賜一體殿試。選庶吉士。八年。入祀鄉賢祠。公之學。以求仁爲宗。以孟子不動心爲指歸。嘗苦此心難治。因集先儒言操心養心存心求放心之法。彙爲一冊。曰事心錄。終身體味之。其端和恭謹。蓋得諸文勤公之教爲多。直上書房四十一年。其培養啟迪於根本之地。

者至深且久諸 皇子孫曾對公之容莫不肅然藹然敬信悅
服公亦知無不言而純樸和易使人意融所進呈經解本未燦
然於敬肆欺慳及盈虛消息所由來治亂安危所由判莫不悚
切言之不徒守經師舊談也家居遇巡尉執禮必恭或問之公
曰欲使鄉人知位至宰相亦必敬父母官知父母官當敬庶常
存不敢之心而犯法者或鮮卽此一端可想其行己之恭矣著
有緝齋詩文集

曹文恪公事略 李恭毅公湖 彭文勤公元瑞

曹公秀先字冰持號地山江西新建人生之夕贈公夢遊廬山
開先寺陟秀峯頂採紫芝以歸故合開先秀峯以爲名小字紫
芝有異稟讀書目數行下七歲學爲文日可構時藝十餘首十
二歲患目疾失明贈公憂甚有道人詣門以手摩之目可治約
翼日持藥來已而竟不至目忽明十三歲巡撫王公企靖課士
拔公第一手題繡虎鴻文字贈之明年補弟子員逾冠充拔貢
生中副榜入都受知於高安朱文端公及臨川李侍郎舉雍正
十年順天鄉試十三年考取內閣中書詔開博學鴻詞科臨
川以公名列薦乾隆元年成進士出高安之門選庶吉士遂未

與詞科試尋授編修恭纂

世宗實錄兼經史館校勘六年丁父憂服闋補原官充山東副考官十年改御史尋請假歸十七年補原官明年近畿蝗公疏請御製祭文頒發有蝗郡縣贍黃祭告并稽古典舉行蜡祭飭有司籌款捕蝗勿假手胥吏手勅曰蝗蝻害稼惟當實力撲滅此人事所當盡至於祈神報賽禮亦宜之若欲假文詞以期感格如唐韓愈之祭鱷魚其鱷魚之遠徙與否究亦無可稽未必非好事者附會其說朕非有泰山北斗之文筆似此好名無實之舉深所弗取所請不必行餘著議奏十九年遷給事中二十一年丁母憂二十五年補給事中巡視南城二十七年遷

鴻臚少卿。明年遷光祿少卿。尋遷通政司參議。三十年擢祭酒。

典試浙江。尋督江蘇學政。三十二年擢內閣學士。二十三年遷

工部右侍郎。爾學政任。三十四年命赴浙江。謝獄。還朝。充經

筵講官。明年調戶部右侍郎。尋調吏部右侍郎。典試江南。又明

年扈駕東巡。遣往南皮祭尹吉甫墓。請御製詩表其墓。

許之。命公恭和。尋命祭告東嶽。及少昊金天氏諸陵。暨

闕里。是年典會試。恭值。

皇太后八旬萬壽。夫人劉氏。年六十以上。齊眉命婦。賜大紅

緞二端。同時受賜者。惟家宰程公景伊之夫人金氏。大宗伯

蔡公新之夫人何氏。海內榮之。三十八年充四庫館副總裁。三

十九年進所輯山莊正雅集。題製詩賜之。即以爲序。且

命公恭和所進表文。命刊列卷首。是年典順天鄉試。晉禮部

尚書。賜紫禁城騎馬。四十二年。命充上書房總師傅侍

皇八子講席。賜寓澄懷園。四十四年夏。扈蹕熱河。疏請建

承德府學。并頒發書籍。從之。四十五年。典會試。得汪如洋爲選

首。廷對復第一。公前後典文衡。皆得士。校閱必詳。盡人服。其公

明四十九年七月。薨於位。年七十有七。詔曰。禮部尚書曹夬

先學問優長。奉職動謹。可贈太子太傅。應得卹典。下所司議。祭

尋賜祭葬。予諡文恪。得旨。祀鄉賢祠。公以文學受主知

沈默厚重。蒞部務。謹守成憲。戒吏張待。屬僚務存大體。每大

對知無不言恭遇 國慶 武成 巡幸諸大典所進詩文册
皆稱 旨尤工書法

上嘗召問平日究心字學因進所刻敬恩堂移晴堂書課蒙賞
御臨黃庭堅尺牘二幅以公籍江西故也典試江南以省墓乞
假歸建冠山家廟構義學一區倣范文正義庄故事置義田千
畝面奏請 賜祠額 御書秩宗衍緒四字 賜之其後公子
師曾官侍郎時疏請將義田官爲經理以期經久 優詔允行
所著有賜書堂稿依光集使星集地山初彙等書師曾由任子
官主兵部侍郎同時同郡以勳業文章並著者曰李恭毅公湖
彭文勤公元瑞

李公名湖字又川南昌人乾隆四年進士由郎中出守遷通永道有異政爲總督方恪敏公所賞拔累遷貴州巡撫四十五年調撫廣東以清嚴爲政粵東素多盜番禺之沙灣菱塘地近海綿互百餘里尤稱盜藪每出洋肆劫或散布內地劫仁商莫敢過問公密訪各盜姓名居址及出人途徑甚悉偵各盜首以七月望前歸家設祀陳飭文武吏分布兵役旬日閒擒誅盜首二百有奇疏聞

聖書嘉獎乃條上安輯事宜請移設督捕同知於坑頭村立石碁村專管扼要堵緝酌添水師戰艇其各村民舡令沙菱巡檢編號給印照禁民間私造洋船均下所司議行自是海盜肅然

粵東百餘年來論大吏之賢以公爲首耆老婦孺口之而如新
盡實力爲民除害故入於民者至深且久也以積勞成疾卒於
位歿時而目手足皆作黃金色見者異之遺疏上優詔賜卹
贈尙書銜賜祭葬子諡恭毅所著曰李恭毅公遺藁

彭公元瑞字掌仍一字輯五號芸楣南昌人乾隆二十二年進
士由編修入直南書房官至工部尙書協辦大學士贈太子
太保子諡文勤公天才敏贍與紀文達公同有才人之目早
直西清疊司文枋所作應奉文字婉麗清新蒙獎賚不次而
恭跋。

高宗御製全韻詩乃集千字文爲之又撰乾清宮前燈詞駢

語尤奇麗。

上賜以貂裘端硯。中外築之。雖爲和珅所蔽。而恩眷始終不替。尤可想其風節。云著有恩餘堂彙。所選宋人四六藝林。爭傳誦焉。子邦瞻。官侍讀學士。